

Na osnovu člana 9. stav (1) Odluke o privremenom korištenju javnih površina („Službene novine Grada Zenica“ broj 3/24) i člana 11. Plana korištenja javnih površina na području grada Zenica za 2025. godinu („Službene novine Grada Zenica“ broj 3/25), Služba za urbanizam raspisuje

## JAVNI OGLAS

### za davanje na privremeno korištenje dijela javne površine radi postavljanja slobodnostojećih ljetnih bašti u ulici Stara čaršija

1. Predmet javnog oglasa je davanje na privremeno korištenje dijela javne površine radi postavljanja slobodnostojećih ljetnih bašti u ulici Stara čaršija, kako slijedi:

Redni broj	Vrsta privremenog objekta	Lokacija	Površina bašte	Ukupan broj objekata	Početna mjesečna cijena m <sup>2</sup> javne površine (KM)
1	Slobodnostojeća ljetna bašta	Dio platoa „Kameni spavač“	146,00 m <sup>2</sup>	1	10,80
2	Slobodnostojeća ljetna bašta	Dio platoa „Kameni spavač“	85,00 m <sup>2</sup>	1	10,80
3	Slobodnostojeća ljetna bašta	Dio platoa „Kameni spavač“	100,00 m <sup>2</sup>	1	10,80
4	Slobodnostojeća ljetna bašta	Dio platoa do „ASA BANKE“	75,00 m <sup>2</sup>	1	10,80

Slobodnostojeće ljetne bašte treba postaviti i urediti prema Urbanističko-tehničkim uslovima Službe za urbanizam od 11.03.2025. godine i Plana korištenja javnih površina na području grada Zenica za 2025. godinu koji propisuju izgled i materijale baštanskih garnitura, vrstu, dimenzije i boje suncobrana i druge uslove za postavljanje bašti na predmetnim lokacijama.

2. Pravo učešća na Javnom oglasu imaju sva pravna i fizička lica koja posjeduju odgovarajuće odobrenje za obavljanje ugostiteljske djelatnosti i koja koriste ugostiteljski objekat u neposrednoj blizini lokaliteta „Stara čaršija“.

3. Početna cijena iz javnog oglasa utvrđena je Tarifnikom o visini naknade za korištenje javnih površina („Službene novine Grada Zenica“ broj 3/24).

4. Prijava treba da sadrži:

- Identifikacione podatke podnosioca prijave i to za fizičko lice: prezime, ime jednog roditelja i ime, adresu i broj telefona, a za pravno lice: naziv, sjedište, adresu, broj telefona i ID broj.
- Odobrenje nadležnog organa Gradske uprave za osnivanje i obavljanje ugostiteljske djelatnosti za fizička lica, a za pravna lica Rješenje o upisu u sudski registar ili aktuelni izvod iz sudskog registra i Rješenje o ispunjavanju minimalno tehničkih uslova za obavljanje ugostiteljske djelatnosti pravnom licu.
- Cijenu za svaku lokaciju pojedinačno sa navođenjem rednog broja lokacije iz javnog oglasa. Može se ponuditi samo jedan iznos cijene za apliciranu lokaciju, u slučaju da se za istu apliciranu lokaciju dostave različite cijene, ponuda će biti odbačena kao neispravna.
- Dokaz o izmirenim poreznim obavezama i doprinosima sa 28.02.2025. godine (Potvrdu Porezne uprave o izmirenim direktnim porezima i doprinosima iz plaće i na plaću i potvrdu UIO o izmirenim indirektnim porezima) i dokaz da je zahtjev za izdavanje traženih potvrda podnesen nakon objave ovog javnog oglasa.
- Potvrdu nadležne službe Grada Zenica da ponuđač nema neizmirenih obaveza po osnovu zakupa gradskog poslovnog prostora, kao i potvrdu JP za prostorno planiranje i uređenje grada „Zenica“

d.o.o. Zenica da ponuđač nema neizmirenih obaveza po osnovu naknade za korištenje javne površine i komunalne naknade.

f) Potvrdu Centralne banke BiH da računi ponuđača nisu blokirani u posljednja tri mjeseca.

5. Tražena dokumentacija mora biti dostavljena u originalu ili ovjerenoj kopiji, ne starija od tri mjeseca od dana predaje ponude.

6. Učesnik javnog oglasa može aplicirati na više lokacija iz oglasa sa navođenjem rednog broja lokacije i u tom slučaju potrebno je dostaviti jednu dokumentaciju kojom dokazuje ispunjenje uslova iz javnog oglasa.

7. Pismene prijave sa dokazima o ispunjavanju uslova podnose se u roku od 15 dana od dana objavljivanja Javnog oglasa u dnevnom listu "Avaz" i na web stranici Grada Zenica [www.zenica.ba](http://www.zenica.ba).

8. Prijave sa naprijed navedenim dokazima podnose se putem protokola Gradske uprave Zenica ili putem preporučene poštanske pošiljke u zapečaćenoj koverti na adresu: **Grad Zenica Služba za urbanizam, Trg BiH broj 6 sa naznakom „Prijava za javni oglas za dodjelu lokacija za slobodnostojeće ljetne bašte – ne otvaraj-**. Na koverti naznačiti naziv podnosioca prijave .

9. Javno otvaranje ponuda održat će se dana, 14. 04. 2025. godine u 12:00 sati u prostorijama Službe za urbanizam, IV sprat, kancelarija 406. Otvaranju ponuda mogu prisustvovati lica koja su dostavila ponude ili njihovi ovlašteni predstavnici.

10. Nepotpune i neblagovremene prijave neće se razmatrati, kao ni prijave lica koja imaju dugovanje prema Gradu Zenica po osnovu neizmirenih obaveza na ime naknade za korištenje javne površine, zakupa poslovnog prostora i komunalne naknade.

11. Postupak javnog oglasa provest će Komisija koju imenuje Gradonačelnik.

12. Najpovoljnija ponuda je ponuda učesnika javnog oglasa sa najviše ponudenom mjesečnom cijenom m<sup>2</sup> javne površine, u odnosu na početnu. U slučaju da dvije ponude imaju isti iznos najviše ponuđene cijene, prednost ima ponuđač čija ponuda je prva zaprimljena.

13. Zaključak o dodjeli lokacija na privremeno korištenje donosi Gradonačelnik i isti se objavljuje na web stranici grada Zenica, a protiv zaključka o dodjeli lokacija na privremeno korištenje, učesnici u postupku imaju pravo podnošenja prigovora Gradonačelniku u roku od 8 dana od dana objave na web stranici grada.

14. Po pravosnažnosti zaključka, ponuđač koji bude odabran kao najpovoljniji dužan je u roku od tri dana podnijeti Službi za urbanizam zahtjev za izdavanje odobrenja za privremeno korištenje javne površine. U postupku izdavanja odobrenja sa ponuđačem će se zaključiti ugovor o korištenju javne površine za period trajanja „ljetne sezone“ odnosno od zaključenja ugovora do 30.09.2025. godine sa mogućnošću produženja perioda trajanja „ljetne sezone“ do 15.11.2025. godine.

15. Ponuđač koji po izdavanju odobrenja postane korisnik javne površine, dužan je slobodnostojeću ljetnu baštu, ukloniti kada to zatraži nadležni organ Grada Zenica, bez prava na naknadu.

16. Grad Zenica zadržava pravo mogućnosti neprihvatanja niti jedne ponude odnosno poništavanja Javnog oglasa.

Za sve dodatne informacije zainteresovana lica mogu se obratiti Službi za urbanizam broj telefona 032 447-650 i 032 447 661. Takođe zainteresovana lica mogu tražiti uvid u urbanističko tehničke uslove od 11.03.2025. godine u kancelariji 406.



Služba za urbanizam

MB